

民國文獻資料叢編

近代
人物年譜
輯刊

國家圖書館出版社 整理

國家圖書館出版社



國家圖書館出版社 整理

近代人物年譜輯刊

第八冊

國家圖書館出版社

第八冊目錄

疾存齋自訂年譜一卷	周宗麟編	一
求我山人年譜一卷	莊景仲編	二三
追憶錄一卷續錄一卷	殷葆誠編	四九
庸叟編年錄一卷	庸叟編	二五五
提法公年譜一卷	張學華編	四五九
	張澍棠補編	

疾存齋自訂年譜

大理周宗麟石君

子家原籍江西金谿縣。始遷祖漸鴻公達六明正德間宦滇。喜蒼洱山水之勝遂占籍焉。世居大理城仁壽坊染紅巷。六傳至德盛公同樞。資於周氏。並從其姓。更名際文。自此一支世居五華街周宅。生子五。三子翼亭公昌祖。卽本生高祖。亦生子五。以第五子訓爲季弟榮祖。後訓無子。以季兄諸次子秉欽爲後。本生高祖翼亭公昌祖。妣氏陳。高祖斐南公榮祖。妣氏楊。本生曾祖助康公諧。妣氏段。曾祖宏謨公訓。妣氏李。祖明軒公秉欽。妣氏李。祖考生子三女二。先公其長也。叔考觀成公榮。叔考愛堂公榮。大姑母適同邑尹思誠。二姑母適同邑柳汝瑩。先考慕西公榛。妣氏楊。同邑楊嶺谷載彤公五女生子四女一。宗麟其季也。中華民國前五十二年十月一日。卽清咸豐十年庚申八月十七日生於邑之南鄉大井旁村家。世儒業。書香繼續。代有傳人。時遭丙辰回變。家業盡失。父母挈伯兄宗洛仲兄宗鎬。航海逃至鳳羽趙大姨母家。是年十二月叔兄宗瑩生。甫四日而回衆大至。於是復逃。而雲龍而永平永昌蒙化。困苦顛連。不遑寧居。先是二叔考觀成公。未曾逃出。困於圃中。回酋杜文秀聞先公名。迫令以書招致。先公情深手足慮禍及。不得已。乃於十年五月挈眷歸里。父秀授以僞職弗受。隱居大井旁村。舌耕以餬口焉。清咸豐十年庚申一歲。二叔考愛堂公榮。隨提督褚武烈克昌勦回陣亡。祥雲縣青海驛。十一年辛酉二歲。時家計窘甚。先妣嘗負麟赴城領做銀幣以濟用。日往返二十餘里以爲常。同治元年壬戌三歲。二年癸亥四歲。時患泄瀉。諸藥罔效。先妣曰。此食積也。每餐僅許食半飽。如是數月不藥而愈。三年甲子五歲。胞妹靜弟生。先妣分娩。不用產婆。皆自行收檢。時在夜中。嫂與仲叔兩兄俱同室寢。不知也。迨至天明。始呼曰起。生得一小妹矣。乃披衣亟起視之。至今宛然在目。四年乙亥。存齋集卷七。自訂年譜。

廿六歲始學認字。繼學寫學讀。是後四年皆先妣教授。先妣生長世族。幼嫻禮教。訓育諸子。一秉先民矩矱。至今鄉人士猶稱道弗置。五年丙寅七歲。六年丁卯八歲。七年戊辰九歲。八年己巳十歲。從丁先生受業。丁恩榮廢縣人。不記其名。仲兄宗鎬。兄性純孝。父母以處此亂世。子弟須習一實業方能自立。令學醫藥。甫二年遽染時疫而亡。年十六。父母深悲痛之。九年庚午十一歲。先公在村中設帳。麟與叔兄瑩皆從受業。先公十年來皆就館在外。伯兄隨侍。麟受庭訓僅一年餘。惟受母教較多。讀書外一切服食言動皆有法度。至今五十餘年猶耿耿不敢忘也。時迤西州郡漸次克復。父母以久陷回中。夷險莫卜。爲宗祧計。乃商之二叔。考遣伯兄宗洛叔之長子宗源。出走賓川鄧川一帶。兼習貿易。十年辛未十二歲六月先公聞統兵楊武愷玉科西上。紀律嚴明。所向克捷。識其能。乃率叔兄瑩暗渡賓川烏龍哥走謁之。寔其戎幕。麟與妹仍侍母村居。時因家貧甚。偷竇斧可措。合家出險。日後先妣何至慘遭其厄。誠令人悔恨無極。是冬十月患中風疾危甚。延醫診治。右手自是不仁。步履亦艱。伯兄得信。馳歸侍奉稍愈。仍促令出走。由是侍養朝夕者。麟偕七歲之弱妹而已。十一年壬申十三歲五月初七日漢兵克復兩關。午後漢兵猝至。村人強壯者多避山中。麟爲一兵所虜。先妣求其給還。不惟不許。反以刀背擊其手臂。強曳而去。先妣手臂登時痛腫。僅靜弟妹相隨。次日逃至太和村。至一民家。屋虛無人。爾時憂恐交作。宿疾復發。竟於初九日午時長逝。妹幼弱無知。驚惶出走。適遇北門陳姓婦挈至下關。依二叔父母。不日伯兄邁歸。迭次往覓不獲。妹亦不復記憶門戶矣。痛哉痛哉。麟被虜後是晚宿輒窺。衆食予米食。次日農兵方備早餐。聞回兵進攻。卽攜械奔逃。未數里聞有督隊進者。旋復返回。時虜予者不知何往。被第二者牽率而去。行至上末村北。見城回馬隊飛馳而南。兩旁翼以步兵。槍礮如雨點至。漢兵見之。復行奔逃。沿途屍骸橫陳。擁擠踐踏。瀕危者數。跣足奔走三十里。是夜麟與鄉民數人宿於關北茨籬之下。竟夜大雨。衣

袴盡溼。且不食兩日。厥明各自分散。因同宿者有一逃兵。見予與鄉民不類。詢之鄉民。亦不認爲同類。於是又被第三者之逃兵牽率入關。至則始識爲楊國發之文案處。是日爲初九日。自傷遭際。悲從中來。乃於僻地撫膺痛哭。不知此日此時。卽與吾最親愛之母親生死永訣之日時也。居數日。偶出門遇尹大姑母之子阿方表兄。引至其家。晤二叔父母二姑母及靜弟妹。始知母亡凶耗。伯兄因主任黃家坪鹽局事。不能久留。乃奉貲二叔父母。令麟與妹寄食其家。不意兵燹甫經。時疫旋作。家中無人不病。二叔考柳二姑母宗濂堂兄定安堂弟煥弟堂妹靜弟胞妹。數日間先後病逝。時有一二奸人偷售藥彈於賊。而宵小遂欲波及難民。楊玉科不察虛實。下令無論男女老弱限三日悉逐出境。先公時在玉科幕中。委任編制上中兩鄉保甲事宜。出與力爭。願以身家擔保。兩鄉難民故得不逐。委辦下鄉保甲係同邑知府李某。奉行惟謹。不留一人。麟時大病未瘳。乃與二叔妣宗泗宗邵兩堂兄攜扶出關。三十里程步行兩日。始抵鳳儀縣城。是後兩足浮腫。步履維艱。泊腫消退。全體瘦削如柴。席地而臥。尾閭骨等處皮肉皆穿。加以飢寒交迫。體愈不支。幸榆城攻克。先公因謁岑襄勤毓英至下關。麟亦由鳳儀來。父子相見有如隔世。先公乃令人負麟先行回局。時先公總辦大理軍需總局。地點在林邑村。至則與叔兄宗瑩相見。悲喜交并。呼兄呼弟一語外。哽咽逾時。不能出聲。延華亭族叔診視。謂疾危甚。藥餌一切。叔兄看護周至。旋移入城。日久始能健步。嗟乎。予生平所受之艱難困苦至此而極。以故數十年來。隨在知足。不敢稍縱。誠上念父母。下及本身。丁茲亂世。此情此境。終身弗能忘也。十二年癸酉十四歲。兩骸復生瘡癩。廢學已三年矣。地方初平。諸凡建設均不可緩。先公日與岑襄勤諸公經營擘畫。日不暇給。祖房經回拆毀。玉科早有所聞。城未克時。曾許送給逆產一院。嗣後屢經催問。先公均未暇及。迨伯兄卸事歸來。始行訪擇。多許巨宅。先公皆謂吾家人少不宜。但覓得今善仁坊第宅。謂爲適合。彼時僅北樓三間。東平房一廈。廚房一間。其餘房

屋及西面地基。皆日後伯兄增修增購者也。先公嘗撰門聯曰：鴻鵠欲伸千里志，鷓鴣先獲一枝棲。六月先公以地方善後大體具備，而寓省族伯泉若公以手足闊別年久，屢函約會，乃偕鄉試事。將地方公務辭卸而行。惟沿途甫經兵燹，多無旅店，宿於野次。以積勞之躬，感受風寒，至省則精神頓減，病日以增。延至七月十二日，竟棄不肖等而長逝。嗚呼族伯來信，謂我念汝父係弟兄中苦節之人，我豈忍薄待於他？又謂汝父所需藥餌衣衾棺木等項，是爲伯獨力認承，以盡宗族弟兄之情。汝弟兄不必慼然，此恩此德，願與子子孫孫永矢勿諼焉。十三年甲戌十五歲，與叔兄從胡葉封師如桐肄業。光緒元年乙亥十六歲，從胡葉封師肄業。二年丙子十七歲，仍從胡葉封師肄業。三年丁丑十八歲，從伯兄宗洛肄業。四年戊寅十九歲，從伯兄肄業。六月應科考縣試，邑令爲秦壽彭述先。長案取列第二名，九月府試。郡守爲河南郭懷禮。長案取列第二名。五年己卯二十歲，三月院試。學院李少東珉琛。取列第四名入學。是秋伯兄赴鄉試，卽代教讀。秋闈榜發，叔兄宗瑩中式。六年庚辰二十一歲，請陳霖蒼師改文。先公門生趙治大井旁人，其戚居太和村者，言當兵亂時，有一城中婦人，卒於某宅。後葬於村首某地。某老嫗曾親見之。伯兄親往詢問，所言身材面貌衣服一一脗合。乃具棺啓視，骨相宛然。腋下一琥珀鈕釦，是先妣佩物，乃改葬於應樂峰麓。七年辛巳二十二歲，請王明生師改文。八年壬午二十三歲，科試考列二等，鄉試未第。九年癸未二十四歲，學院丁桐生立幹歲試。試前，親友間有謂伯兄業經補廩，考列一等，必須覆試。徒勞而已。何如與乃弟換卷，成就其名。極爲慫恿。伯兄心動。入場卽覓麟言換卷事。麟執不肯。榜發，伯兄名列一等第三，麟列二等第一。後伯兄向華亭族叔言之，承嘉獎曰：爾誠不愧爲周氏子孫也。十年甲申二十五歲，與同邑趙徵遠公圖南女趙氏結昏。麟少失怙恃，受伯兄劍公培植，以至成立。科試考列一等第一名補廩。十一年乙酉二十六歲，在家設館授徒。鄉試未第。十二年丙戌二十七歲。

在家設館授徒。十一月學院戴少懷鴻慈歲試。適大病未入場。十三年丁亥二十八歲。就巴縣王潔之永廉教讀館。

閏四月二十四日即紀元前二十五年六月十五日長女汝嫻生。十四年戊子二十九歲。科試考列一等第二。取調

經正書院肄業。一日陳西道席珍月課。點名時謂麟曰。此次戴學台調你晉省。桂香雨太尊臨行。亦囑我敦促爾。言到

省可寓渠雲南府署。實在幾時去。麟應之曰。不去。陳怫然曰。一經品題。便成佳士。何言不去。又一日西雲書院核賬。是麟

年正學陳復對在場衆紳曰。周瑞章人真拘泥。我嘗請他閒坐。他總不到。有司衙門或因避嫌。西道衙門是無嫌疑的。

轉向麟曰。你不肯到我處。可到李毓芳處。李時為你一到我就來同你坐。緣當日地方長官。皆博愛士之名。凡後生

之有進步希望者。即極意籠絡之。而地方人士亦希寵梯榮。以得交接長官爲幸。不知士各有志。不可強同。麟嘗曰。人

以見官爲榮。我以見官爲辱。蓋生性使然也。鄉試未第。十五年己丑三十歲。在趙宅設館授徒。十六年庚寅三十

一歲。在趙宅設館授徒。室人趙氏條患目疾。因此失明。家事不能治理。外姑楊太夫人憫念女兒。商令移居其家。麟不

得已允之。每年贖賞爲火食費。此後七年室人母女皆負累母家也。叔兄會試中式。點即用知縣。籤分廣東。十七年

辛卯三十二歲。在趙宅設館授徒。數年來束脩外。復增考課膏火筆賞。儘足自給。鄉試榜發。中式第五十九名。房師王

潔之水廉。正考官南海戴少懷鴻慈。副考官懷寧王問山嘉善。先是叔兄欲接眷赴粵。惟無妥人照應。乃與予預約。如

鄉試中式。即先行送眷至粵。然後航海赴京。于是摒擋一切。十月十八日起程。由貴州廣西至粵。撰有辛卯北上行程

紀略。十八年壬辰三十三歲。正月初九日抵廣州省垣。與叔兄晤。且兄眷少長平安抵此。不辜所託。曷勝欣慰。二十

七日啓行。二月二十一日入都。寓珠巢館街雲南會館。榜發落第。留京就前雲南巡撫張凱嵩家教讀。聘開館甫數日。

而河南河道桂香雨霖之聘書又至。桂滿洲人。植品甚高。居官廉潔。知大理府事時。每延見地方士紳。必詳詢予之家

世年歲。且時邀予到署晤叙。麟俱謝之。戊子鄉試場畢。即使人索文閱之。謂其必中。填榜日。遂名翹盼不獲。曰。必在五魁中。向例填榜從第六名起。後填五魁。又不獲。乃書文稿後云。如此佳文。當共欣賞。何以不中試官。天竟何如。命竟何如。深爲扼腕。此

次來京。又親到會館晤談。復贈卷摺多本。抵河道任。聞予留京。即函託其友人陸鍾琦鍾岱代雇車馬。敦促赴豫。予以

甫受張氏之聘。仍婉謝之。桂當對人曰。我宦滇多年。得士二人。周石君張鐵青。名器同榜。明人也。如此隆情。非僞託好士者比。故表之以志予感。十九年癸巳三十四歲。留京仍就張氏教讀館。二十年甲午三十五歲。仍就張氏館。伯兄

考選歲貢。那拉太后方大舉六旬萬壽。京內外極力鋪張。時日本入寇朝鮮。戰事條開。我師水陸俱敗。謠言蠭起。京城

中人南遷者車馬塞途。延至九月。叔兄電至。促令赴粵。乃辭館與周蘭坪楊席侯結伴。由海道歸。二十一年乙未三

十六歲。叔兄署理新會縣事。勸予終止會試之行。赴任襄助。其缺繁甚。兼以容李闕案。日不暇給。卸事後。叔兄分給予

銀約四千金。加以歷年所得俸金。學租薪水。以此稍置薄產。並放商生息。每歲所入。除開銷外。必須存有贏餘。又以所

贏之數。陸續放商上隙。增置田鋪。然此皆予平素謹小慎微。積銖累寸。不與家人婦子計怨望。不與地方閹人鬪奢華。

儉約自奉。以至於此。二十二年丙申三十七歲。在羊城娶妾盧氏。刊先公巢雲山館詩存。十一月取道南洋緬甸騰

永歸里。撰有丙申歸程紀略。二十三年丁酉三十八歲。正月二十五日抵家。初寓崇文街。娶妾楊氏。氏早經聘定。因

多年在外。故延至今。七月典仁厚里楊姓宅。典期十二年。略事修補。始移居之。十月北上。取道黔湘鄂滬航海入京。

二十四年戊戌三十九歲。二月抵京。會試榜發落第。四月出京赴粵。旋取道南洋緬甸而歸。二十五年己亥四十歲。

地方不識蠶桑利益。因刺取古今成法。爲栽桑六則。養蠶十四則。名曰桑蠶易知。刊布數千冊。冀開風氣。二十六年

庚子四十一歲。二月二十七日。即中華民國紀元前十二年三月二十七日。長子偉生。出此五月初四日。即紀元前十

二年五月三十一日。次子俊生。出地方風氣閉塞。點種牛痘一事。多不識其益處。乃與族弟輔廷倡首。麟六十兩。輔廷二十兩。其他如趙靈若諸君各三兩五兩。共捐銀百兩之譜。設一牛痘局。延何寶森任之。每日隨到隨種。富者略收酬資。貧者分文不取。如是二年。風氣漸開。習此業者不少。始行停辦。二十七年辛丑四十二歲。正月十八日。撫妾氏盧及偉兒赴陸良學正任。同寅副學沈某。楚雄拔貢生。居是任十有七年。彼此初會。承其關照。謂予曰。吾儕在此。無他。祇要與堂翁合宜就好。予駭問曰。君所謂堂翁者誰耶。曰。州官也。予示之曰。稱州縣爲堂翁者。彼之屬下吏目典史等輩耳。君不觀學政全書乎。學官一職。凡拈香祭祀見督撫均與州縣同班。不惟在雜職位上。且在佐貳位上。今甘與吏目典史爲伍。未免有玷清職。言已。竊思予生平所以不願作官者。非闇於民事也。若本此天良此學識。當可對得百姓。奈生此傲骨頭。實不能承奉長官。故傳曰。不獲乎上民不可得而治。今則對於同寅之有權勢者。亦以長官事之。更難乎爲情矣。居恆視學官尙清高而可爲者。於是爲之一阻。迨歲試院考。八屬學官十餘人均到。聚談之間。其闖茸卑污。可憐可鄙。至稱州縣爲堂翁者已成普通名詞。罵不勝罵。及派監場。予則獨坐己位。或更番巡視。盡我監場之職。若輩則與承差並坐談笑。不以爲羞。反以爲榮。居恆視學官尙清高而可爲者。於是又爲之一阻。至科試州考。由學署彙名。這案頭場學官頭門點名。州官二門點名。此向例也。爾時彼此由客堂出。步至二門。州吏目某行予後。微牽予衣。予伴若不知揚長而出。坐定。乃問書記曰。此間向來學官亦對州官參堂耶。曰。然。點名畢。自思予若無言。彼尙謂不諳儀注。乃對黃牧曰。定例教官與州縣同班。此國家崇儒重道之意。予居是職。惟知遵守儀注。奈不能同流合污。隨班逐隊。何黃連應曰。不要緊。不要緊。予當謂滿清官場。卽實習驕諂二字。有權有錢者驕。無權無錢者諂。相習成風。無所不至。可慨也夫。署中課士。則訂每月一次。並撰陸邑學約。內分正心慎習體教博學操身學文六則。頒布諸生。共期遵守。向例

丁祭由學官辦理。應用器物。先期則向市中攫取。或僅給半價。麟出示減免之。概給實價。二十八年壬寅四十三歲。七月初十日。卽紀元前十年八月十三日三子保生。出遊伯兄次子汝敦鄉試中式。時地方州縣官。無上司處卽夜郎自大。麟對之毫不相假。如拈香祭祀。候數分鐘不到。則先自行禮而歸。新任楊某。貴州甲榜。更恃才妄誕。一日謂地方紳士曰。我們貴州前岑襄勤於明倫堂之上建一催官閣。後發兩名狀元。現在我於本州明倫堂上亦仿建一閣。使你們地方亦發鼎甲。無論何地方。庸庸者必占多數。聞此等話。焉有不贊成者。未幾大小木材充塞學署之前。將興工矣。予使人告之曰。做官各有職權。有司官民刑錢穀事件我絲毫不相干涉。至於學校中事。非先商經予之許可。斷斷不行。嗣倩人屢商。均未允之。至明春予辭職歸。所有木材尙堆積署前也。二十九年癸卯四十四歲。靜念仕途蕪穢至此。初以爲教職一缺尙爲清高。一入其中殊屬不然。倘不及早收帆。非日染耳濡漸喪所守。卽所如不合齟齬時聞。於是借故辭職歸榆。遂我初服。後二年停罷科舉。教職始裁缺也。汝敦姪會試中式。分發廣東卽用知縣。仁厚里典宅期猶未滿。原主楊姓卽欲變典爲杜。屢次請憑關說。因索價太高。予乃另向沈李兩姓購定西城南北兩院。楊聞情急。乃亟請憑說合。定價立契。旋復翻異加價。計前後產價暨稅契合紋銀一千四百九十三兩零。契內係載麟與叔兄兩人名義購買。查該原主楊姓計畫。初以典期未滿不能不向周姓議杜。既售與周姓。則范姓借款可以不至扣還。繼見周姓所撰契稿。係范周兩姓承買。且言明必扣借款。則一變爲祇願賣與范姓。冀使周姓典期無效。典價無着。嗣經中人責備。則又欲騙利息。言誘翁做官何以重利盤剝。借銀壹契時自欲不扣借款。則謂契內已注明並無私債準折。該價終由中人見其死不干休。乃於立契書押後勸再加銀六十兩。然仍不滿所欲。此後則恨周姓入骨。時施其種種離間骨肉之術。緣始爲扣此借款乃發生小人之可畏也如此。計叔兄支項除扣由粵借款本息四百五十兩。由榆兌

交二百九十二兩零。二共紋銀七百四十二兩零。麟支項除扣典價三百五十兩。找補產價二百二十二兩八錢零。稅契八十三兩四錢。支墊翻蓋南北兩屋九十四兩七錢零。四共紋銀七百五十一兩零。此二十六年庚子十二月事也。現將前購南城脚舊屋移建西南園地。一切甄瓦木石。拆卸搬移煞費心力。並添新料大半。建造正樓三方。角房四方。平房一方。大二門兩道。計爲時二年。糜費二千餘兩。始得落成。三十年甲辰四十五歲。二月十五日。卽紀元前八年二月二十一日。次女汝嬭生。出學部通令。各省地方設立學堂。公議售坐落昭文里城區公房爲設備經費。就林文忠祠增建樓房十六間。并酌修內外置備器物。撥叛產田畝及公茶店下關渡口各租息爲經費。時太和縣令自爲總辦。舉麟爲副。辦任其事。南鄉陽南橋衝壞已久。每遇夏秋水漲發。徒涉者人馬失事不少。乃商之趙星橋君。俾肩督修之。麟捐銀十兩以爲先導。又於城關兩地商號力勸資助。趙君亦始終其事。告厥成功。二十年來民未病涉矣。又二十八年間。阮大定署太和令時。派其家丁顧郭二人。出鄉丈量田畝。復勾結各鄉劣衿劣生通同舞弊。據其稟稱。四月有餘。一律丈畢。熟田之內共浮出一萬三千餘畝。藩署據稟札令升科。地方紳民兩次邀免無效。將隱忍受之矣。麟聞之曰。此非指控阮大定不可。且空言邀免。何濟於事。須引證歷史。根據實事。使駁無可駁。方冀奏效。乃與伯兄商定呈詞。並邀約城鄉人士之願列名者。各書花押於己名下。衆以北鄉張某標進士頭銜。推爲首名。渠已允許。迨公呈遞進官署。其門房見有張名。拒而不納。曰。昨日張大老爺親來言過。錢糧事件。他未與聞。爾時伯兄遠在順寧。幸先已言及。如他人不願居首名者。可以用之。於是乃以伯兄居首。再行投遞。公呈遞未幾日。有北鄉趙某者。布散謠言。謂錢糧口係重大。從前人民出而干涉者。某某充軍。某某監禁。某某抽爨筋。信口開河。於是前願列名者至此則多恐慌。股票乃召集列名諸人。謂之曰。事分是非。不可耳食混爲一談。此事在我們所持理由甚正。非從前愚民鬧糧之比。光緒

人現在僅有田十一畝零。卽悉數被阮大定攫奪而去。有何不得了的。總望大家安心定志。無庸恐慌。隨事有倡首之人去做。卽萬一科罪。到了彼時。儘可談之。倡首一人當之。此刻萬勿紛擾也。演畢。二十餘人不贊一詞而散。幸公呈既遞。由縣轉省。不日回文。允作罷論。以當日每石收納八兩餘計之。每歲約省萬元之鉅。雖然人民之脂膏幸得保全。而其實爲一般劣衿劣生所怨毒者已不少也。三十一年乙巳四十六歲。經縣令聘任大理中學堂正教員。太和城立女子兩等小學堂之設。實開風氣之先。是年春伯兄劍公發起。麟與陳文政王巨卿楊洪智諸君助成之。借考棚爲開辦地點。撥城內培英堂卷金項下田鋪店房租息。爲常年經費。至是年冬中學堂外六屬額幫經費積欠一千有零。而六屬又額外加送學生。蝕虧之數亦統計一千之譜。堂中經費因此支絀萬分。虧欠疊疊。會計員楊文佐再四呈請府縣嚴催。祇是罔應。無計可施。屢商之堂中共事人員。乞代鼎力。時值吾邑集議推廣小學堂事。城鄉士紳大多數集會公所。麟因楊君之請託。代將此事報告。當經大衆議決。謂此事必須稟官另籌辦法。以免一邑學堂牽掣破壞。呈稿託麟撰擬。此第一次之會議也。及予呈稿擬就。報告大衆。涂文英君曰。呈中措詞甚好。惟不諳公事辦法。須將呈尾要求各設中學提前作正筆。飭令清解幫款移後作陪筆。說緊一步。及至落點。方合要求目的。呈稿請另改過。衆皆贊成其說。麟曰。改稿甚易。但如是措詞。六屬必起而爭執。彼時務須合羣抵制方可。衆曰。此是合邑事。不僅是學堂中人事。且此事不發動則已。發動必非一呈得了結的。於是一次首名舉麟。二次爲趙澤溥。三次爲涂文英。取具各人花押具詞呈遞。此第二次之會議也。公呈遞後經雲貴總督丁批云。定章中學堂各州縣均得設立。更望紳民自行私設。多多益善。與小學堂情形相同。初不必專望官立。亦不必定須府設。不過無論如何爲難。每府必有一堂耳。其實按照章程不

難遵辦。其如官紳士民之漫不加意何。且僅僅由府設立一堂。各屬士子就學必多不便。不如自行設立之爲愈也。該縣中學堂。既非各屬公立。幫款亦多帶欠。自以各自籌設爲是。仰雲南學務處卽飭大理府督同各該州縣遵照辦理。勿再誤會觀望。切切等因。又經大理府陳通稟奉督部堂丁批。府城中學堂。本太和書院原有經費。亦係該縣一邑公款。自應作爲該縣一邑中學堂。各該州縣苟不以爲遠。而又力難自設。各願幫款送學。亦屬可行。茲稟擬各該州縣各送學生二名。卽由學生帶銀一百二十兩。每名以四十兩爲率。卽入堂肄業。亦尙平允。如力難籌費及不願送學。或能自設者聽。仰雲南學務處查照飭遵等因。由是太和合邑紳耆士庶遵於三十二年六月二十六日。稟知郡邑兩尊。更立太和中學堂匾額。是舉也。蓋以房舍田產的係太和一邑公款。而六屬歲幫額款亦復欠繳多金。若再因循必至破壞。勢處萬不得已。乃出此各設中學爲維持之計。矧事合衆而行。遵官辦理。在太和不惟證據占優勝。公理亦占優勝也。孰知六屬不識已非。恃有金錢魔力。既賄買委員熊辰昶。復借熊賄買錫良之文案某。假傀儡官銜。憑空枉斷七條。錫良者行尸走肉耳。後雖醒悟終泥官無悔判。不過將熊辰昶借案劾罷而已。太和之冤案終存在也。究之六屬縱如何抵制運動。猶可說也。所最歎息者。吾邑人士。當爭訟之時。卽內奸迭起作種種之破壞。失敗之後。則人人卸責。徒冀議過於所推之首名一人。縱百般激勵。輿奮無從。語云。壓力愈甚。漲力愈高。茲乃洩氣之球。一經壓力。癰而已矣。何漲之可冀哉。噫。四月初七日。卽紀元前七年五月十日。三女汝媼生。出此三十二年丙午四十七歲。任太和中學堂正教員。七月二十六日。卽紀元前六年九月十四日。四女汝姁生。出此三十三年丁未四十八歲。纏足之風。城市尤甚。且謂女足不纏。將來無人聘娶者。惡俗之爲害也如此。麟乃約會同志。設立太和天足會。并手擬規約。且令家中婦女已纏者。釋放未纏者。卽行天足以爲之倡。十餘年來。吾邑婦女盛行天足。風氣大轉。裹纏者寥寥無幾矣。三十四

年戊申四十九歲。任縣立高等小學堂堂長。校內缺澡場。學生體操須至雷祖殿前。麟向南門公處議妥。將校西北隅園地一區讓出。闢爲操場。十一月初一日。卽紀元前四年十一月二十四日。五女汝娣生。註此宣統元年己酉五十歲。任縣立高等小學堂堂長。年來整頓各處公租。經收不力者更易。中飽者侵蝕者勒賠。如岑楊生祠等。歲收經費大增。然爲地方小人怨毒者已不少也。長女汝嫻與李氏子生池結昏。二年庚戌五十一歲。是冬城自治成立。被選爲總董。兼縣自治經費委員。屢辭不獲。乃宣告暫行擔任一年。此一年中因經濟困難。無甚成績。略紀如下。一改良春醮。城區每逢二月十三四五等日。做春醮會。佛事道場喧闐街巷。直至末日。名曰迎會。裝扮許多蛇神牛鬼。四城出遊。實爲惡俗。本會議改爲太平春社。禁止佛道一切。專以賽花鬪巧。以及各種美術陳列。立異日實業賽會基礎。一設閱報社。城自治經濟困難。常年經費現無着者尙多。麟願捐此總董一年薪金。向滬上成都滇省等處訂購各種報章。並製備几凳。創設榆城閱報社。以供衆覽。一設宣講所。本區設宣講所。頭班已畢業。續開第二班。共學員一百四十六人。一修理城自治公所。宣統元年已設立籌辦自治處。惟該處於城自治經費及處所概未籌及。至二年冬董事會成立。始議借考棚。逐漸籌款修理。一整理街道。城區居人凡遇修造。每多侵佔街路。復於門前搭蓋棚廠。以故道路日愈狹窄。本會將該件列爲議案。交議會議決。定立規約實行制止。一分設小學。城內公立初等小學。本係四門各設一堂。近因西南兩門教員自圖暇逸。竟將兩堂合而爲一。至今三年。無人過問。茲本會將此件交議會議決。南門舊義學房舍作爲南門初等小學堂。並籌款修理完好。實行分校。一修治道路。城內街道缺壞者多。現議決由住戶人民各自釀貲限兩月修補完好。逾限不修者由董事會代爲僱工修補。其修費仍責令該住戶如數攤給。一整頓工業。太和工情渙散。團體毫無。祇顧目前。苦竄賤售。詐欺爲能。信用喪失。其成敗利鈍關係甚鉅。因交議會議決。知會商會分致各行。訂立

軍以冀維持。一改良街段。本區舊日分鋪。雜亂不清。茲自本年調查戶口始另行更正。其城內以南門口至北門口爲橫綫。東門口西上至壽春街西口。北過朝陽南巷。由舊縣學巷西上安仁坊。出口南過崇文街。出口西上富安坊長慶里至城埂爲直綫。其四隅分爲東南第一段。西南第二段。西北第三段。東北第四段。城外車邑村甘家村至瓦丁鄉爲東關第五段。南北甲爲南關第六段。大紙房至上下水碓爲西關第七段。文筆村至洪家村爲北關第八段。又城內各街巷黃名有俚俗不堪者。有無可稱謂者。有假借隣近衙署寺觀爲名者。殊不雅馴。卽調查亦多不便。因編定街巷新名。揭示要口。三年辛亥五十二歲七月初九日。卽紀元前一年九月一日。四子侯生。出稿九月初九日滇垣光復軍至大理。郡守周安元縣令胡懋芬祕不發表。惟與巡防營員等密調分防各營回榆爲抵抗計。陸軍協統曲同豐偵悉乃召周胡詰之。安元等知事洩。乃於十二日卽紀元前一年十一月二日午召集地方人士到府署會議。意欲聯合地方以厚其抵抗力也。彼時府周縣胡參將李桂芳防營管帶趙勳泰等先坐候。地方人士至者。予與叔兄琇章周燮王巨神李文源張汝厚楊上培趙紹周八人。出電傳閱畢。懋芬曰。今請諸君至。卽商對於此電從違如何。衆默然。移時復問。曰。現今大勢所趨。在於實行革命。光復神州。時不可失。今日之事。須與陸軍協商。吾地方人士之動止。一視陸軍之左右而已。府縣等聞之。嘿然移時。嗣邀曲同豐迭催不至。衆惟默坐。莫展一籌。麟復言曰。觀此則彼此情志。尙未溝通。曲君未必能到。刻下危機一髮。若再遲延。必至變生不測。何若官紳同往謁之。以表同情。衆贊成。至則曲萬成嚴軍隊亦悉數布滿街市。入座後。曲卽問服從與否。叔兄曰。能保民者無不樂從。曲首肯者再。乃偕官紳詣府署前廣場。向軍士宣布革命保民宗旨。士紳相繼演說畢。曲卽分軍隊駐四城要衝。旋向府縣暨綠防營員曰。君等所調之兵。計已在途。將如之何。勳泰亟應曰。當飭令各回防地。於是仍回府署。爾時標統涂紹烈一二營管帶孫紹霖蔣輔丞提督

李福興中學監督由雲龍先後至。共商覆省電文。並約次日會商善後事宜。時已夜十二鐘。始各散歸晚餐。瀕行。曲向衆言曰。彼此同情真是好極。否則今日之事不堪提矣。光復之明日。滿清設置之官吏。至是均失効力。議由縣城兩自治佈告光復大義。以輯衆心。議設迤西自治機關部。十四日公推部員。被舉爲參事。屢辭不獲。分任財政職務。與同志諸人倡首剪髮。并通告二日後不剪者。派人四城執行。以故剪髮一事。大理爲諸郡先。未幾騰永軍陳天星等。率其黨徒四出擾亂。雲龍喇井順甯雲州蒙化之被兵者。紛紛向部求援。其他各屬之未被兵者。亦紛紛向部請領槍械爲防衛計。且該正兵已抵漾濞。美其名曰至大理參觀。斯時也。內地匪類暗被勾結。號召黨徒到處開會。居民大駭。逃徙絡繹。曲同豐已避禍出走。部中人員乃協同標統孫紹齋內安外攘。隨機應付。不旋踵而諸路悉平。大理禍機萌動者。再率銷弭於無形者。部中人員未始無尺寸之勞也。十一月初四日。李師長根源西上。機關部卽於是日裁撤。存款數萬。清交李接收。李上其事。麟由軍政府獎同正校尉。暨銀質光復功章。更有一事足紀者。吾邑田賦。經滿清貪污官吏巧立名目。每石糧竟折銀八兩有奇。隨征之積穀鐵路夫馬團費錢一千條糧票錢一百。混入折征。共加征銀二兩四錢。爾時麟在部中。以爲機不可失。以地方全體名義。手撰呈詞。屢次電省請免浮征。財政司以事關通案。該縣不能獨異。幾經批駁。嗣陳明此等浮征。正惟是本縣獨異。非通案之比。財政司駁無可駁。始覆電允許。知事秦恩述與鄉間虎衿楊某趙某等。猶從中舞弊。匿不發表。轉電請照舊征收。嗣麟知之。向秦索電。秦約期到縣自治公所相晤。屆時麟至。秦與地方人士十數人在座相候矣。秦出電閱之。財政司覆電紙後黏一秦函。略言財政司雖覆電允准減免浮征。在愚意仍以照舊征收爲是。請速議覆以便呈覆省司是盼等語。秦函之後。黏楊趙等覆函。捏稱業經公議表決。公祖所見甚是。卽請照舊征收云云。麟閱畢。詰之曰。諸君所稱業經公議表決。是何日期。在何地點。到會者何人。請示知。何以我